

敬止錄
第六冊

敬

上

錄

第

六

卷

西南

翠山禪寺 縣西南六十里寶慶志舊號翠巖境明院唐乾寧元年

建宋大中祥符元年賜名寶積禪院嘉泰四年參政張孝伯請為
功德寺賜翠巖山移忠資福寺額寺前橋大石跨溪高云孝伯所
建嘉靖三十五年寺燬寶慶志常住田一千一百二十九畝山二
千二百九十六畝

宋馮溫舒興建記 四明郡之南山雄氣勝概蓋與夫鴈宕天台
之連屬也出郭六十里林巖秀潤溪流清遠由桃源鄉歲輸賦於

鄞溪駕長虹以通蘭若唐寧初僧思明踵其處而樂之得地於邵氏以菴爲昭宗光化二年請長老令叅居之嗣雪峰存道馨四聞來衆雲集開席其所以納龍象山骨壙然出於林杪翠色巖巖遠在人目院因以名雲門偃長慶稜保福展皆來客居從兄之遊也龍冊興佛奧默嗣出其間以述師之範也而翠巖之聲落天下耳由老叅秉佛事柄而然也錢氏之有二浙福初文穆王移叅主杭之千春龍冊寺之號慧日永明大師開平五年改翠巖名境明鉅宋混一區宇風寒盪於炎德和氣吹噓跂行喙息同戴春也吳越既獻土地大中祥符初勅賜今額自叅之去其徒希寶繼之凡七傳至義海始正十方叢林故事海嗣雲居齊天禧間太守李公之

所請也元祐未得亨主之嗣報本元太守劉公之所請也院舊面
山背溪局不得伸亨相其面勢易為東向山後旋而屏峙溪左下
而深垂明爽塏集四顧而麗亨之力也累代相承事無增損雲衲
投栖受百數建炎四年太守英公請宗公補處宗事今天童覺
公入門升堂問法之實倍前日之數者再屋不足合小而大之易
舊而新之食不足克勤於耕克勉於丐均令湛明身前單已無兼
之妙回途應變手眼千千烹鍛之功神不可傳於是萃食指幾四
千宗公形槁而氣溫語淡而味真道人去就飄飄如也英公出私
財三十萬為買田於寺旁比邱圓證大師智謙比丘行因各施所
有田比邱法潤募緣鑿鑿成半千畝俾夫主人嚴坐局牀靜豁機

前以訓迪多士來其賓友嘿守圓蒲超詣象外以窮通萬彙佛佛
燈燈之傳祖祖繩繩之事其在斯乎賓主之安施受之利其在斯
歟原始迄今垂三百年其建立更易如此不可無傳也故併次而
紀之紹興八年四月記

輪藏記 有大寶珠藏於無朕辯如喫詬無所措言明若離朱莫
能寄因衆生積業墮在無明我佛如來慈悲哀憫以身圓應俯視
群機於無相中發露光影重重接引遂有多門結集流傳即經律
論護持開示世不乏人鄞嶺翠巖院名寶積有長老者曰知才師
於佛事門不捨一法廣募檀信鳩集衆工繕寫奉安建為輪藏自
丙辰歲戊子年凡閱三冬能事告畢有一居士施不及財目睹勝

緣五體投地恭敬作禮而發願言願諸衆生睹相生想令一善念念念不停如是論藏無暫休●歇以至八部一切諸天在家出家善知識等若聞若見發大道心亦如是輪永不退轉則是藏也無量功德天上人間窮劫讚歎豈能盡之

劉仁本詩 古寺桃源上叅公第一禪鳥啼深竹裏花落翠巖前去郭六十里開山四百年溪聲流不盡魚鼓永相傳

楊康簡公與門人汪君用嘗讀書此寺有詩云 深山野寺舊烟霞樓閣高低釋子家百尺危橋聽墮葉千層洞壑看流花蒼松漢樹風霜古翠碣秦封歲月賒更有葛玄傳秘術紫泥不復計年華李堂詩 久渴招提芒鞋試一登鐘聲遙應谷山勢曲盤藤羅列

羣峰峻包含萬彙興斷碑張秘閣遺墨翠僧僧

張邦奇與汪汝器宿翠山寺次韻紀事 梵門清對碧溪回更有

風流地主陪携酒松亭庭看月上烹茶石鼎引泉來家聲共續徽

猷緒堂扁仍看秘閣裁一宿山中心境別夢隨威鳳入瑤臺夢修

竹一枝出雲霄之上題詩有鳳起雲霄切太清之句次日得報起復四川

方丈側有軒扁雜華世界袁桷有詩

聖禪寺

西南七十里舊號峒山唐光啟二年建宋大中祥符

元年賜名彰聖本甲乙徒弟院乾道四年改充十方禪院寺踞峒
山東南支衆峰環合狀若芙蓉永樂志云大中祥符元年賜名彰
聖嘉定二年加賜前額是年參政樓鑰請為功德院賜報忠福善
額元時復名彰聖泰定四年住持柔禪師重蓋殿宇僧堂至正二
十五年圯住持中同重建明永樂元年修後僧併仗錫寺宣德三
年住持宏惲建方丈又創一菴名霞上室正統四年建入山亭揭
四明山額萬曆間十月八日有虎食佛沈明臣有詩不佳故不錄
寶慶志常住田三百四十二畝山九千八百畝

元隆教住持祖銘記

深林邃谷奇峰秀嶺崑立旁魄於天地之

間者造化胚結之本豈偶然而無故耶蓋非常之地必有非常之人闢祇園樹勝幢為之煥赫傳曰深山大澤必生龍蛇經曰曠野深林聖道場地皆阿羅漢所住持故世間粗人則不能見惟修證同者不外然胚結之本果偶然而無故歟天地待聖待賢之設聖賢成聖成賢之功大矣四明彰聖禪寺唐光啟二年朗公得峒山院舊址建焉院興廢莫究宋開寶間韶國師弟子慶光主之禪律立席帖以一法不為首鼠大中祥符元年賜額彰聖名始大閒至乾道中為禪始固今榜報忠後所請也歷年數百居者循常不希大造延祐己未仲剛柔禪師蒞寺以峰巒壯鎮屋庠窄弗稱曰吾茲拓大莫先之殿已而曰殿中興於寺將有嗣興者泰定丁卯合

匠合三門架馬豐柱巨棟與大方適僧堂庫院藏殿鐘樓浴室蒙
堂兩廡諸屋不五年而俱展構門閨軒豁

獻露峰若增而高

天若望而近又創銀山湖後二莊師先作三門庵寺廣僧多淡泊
不繼分工昌國海隄為田畝計若干為補羨多竊笑之役重力劣
如掘燥待水渴能及乎師不顧曰禹鑿龍門決大河放之海天下
之水平實亦難子漬冒衝突知難而後功予茲亦然師財不謀施
策不假人氣以輔志卒宏於成向笑者咸賀曰吾流情識寧解事
功師曰頃予死矣臨化召衆撫謂鍛材已熟計某等患難耶衆曰
師去也敢不策驚鈍化之二年成乞記師曰繫土木不廢禪誦年
近老耆益以自強故業隆事著

世所謂豪傑之士誠地位中人

也其可辭記而詩之大山長谷勢委蛇衆峰盤繞芙蓉披造化造此
非偶遺天與皇閣興仁祠碩朗公古倔奇始唐先啟創古基歷祀
數百具體微惟師仲剛拓大之列棟角立爭巍壓山欲破山力
支築田滄洲以海圍鑿厓累石雷火飛濤山浪屋不敢威道大信
有神靈持上方香鼎所炊午鉢天人同宴嬉鐘鼓考伐日二時作
立禮樂新清規碑永存者存警思至正二年壬午十一月建

仗錫禪寺

西南一百二十里唐龍紀元年天童山紀禪師飛錫至

北建宋寶元二年賜仗錫山延勝院額寺前有石巖高丈餘上刻
四明山心四字乃漢隸也明永樂三年延燬惟塔塋存嘉靖志云
正德間廢復修寶慶志田五百五十六畝山三萬二十畝

鳥春草紀績碑記 古之逃空虛者必靈境奧區擇而居焉至山
水之氣悶而弗洩神呵鬼禁人不能迹而見者尤為佛氏所崇若
仗錫禪寺是已其地南郡治可二百里山深入萬壑中蛇盤斗折
而上重巒疊嶂峭峻際天勝概絕世至峰頂頂圻而爽塏可廬清
流散飛灌木層翠晴必沾潤暑必挾曠雖樵者靡常至四際又有
峰二百八十有一回合起伏雲霞蔽虧內七峰尤瑰異郡諸山咸
莫之抗唐龍紀元年有石霜下長政二尊宿在藤湖肇基於此寺
建徒集天祐三年吳王錢氏賜今額十傳迨宋之天聖四年太白
已禪師由天童飛錫而至上栗荐羞猛虎馴伏學者景從寺以增
觀後其徒以師德隆名重足以開先裕後又尊之為第一代祖寶

元二年額加延勝繼茲席者類多碩德雲栖霧食燈傳香衍東南之望剝也歷歲滋久寺或毀或復傳五十二代遭時孔艱窘於徭役費如邱山貲產垂罄僧日竄匿寺日摧毀至仁讓公負荷法任痛念諸祖^叔藏業之艱倡道不匱苟不損本枝葉以亡雖有智力者出求復興如故惡可得哉於是殫心瘁容躬走官府招亡植壞保守先業於紀綱糜爛之後甫七歲^道珠還璧合俾圓頂方袍之士不復缺望今住山起予公又力^道續緒篤楊前休托章蟾書走永新請於予曰寺舊有顛末載諸樂石以灾而不存茲不紀述則建瓶之蹟圖存之功咸泯沒無傳敢辱先生之文明始顯今以貽厥後予謂昔諸祖必處夫高深靜僻地者蓋以明心繕性非遠紛去華一

耳目之官不可也若茲山者豈易致基業豈易圖耶自佛法入中國法有阻行寺有興廢莫有常者元運既圯天下大非靖寺悉廢於兵燹吾郡幸無恙而廢於艱難者又十九焉茲仗錫禪寺將絕而復振雖諸祖之願力深重亦讓予二公之力也以世間相論之寺有興有廢以正法眼觀之寺未嘗有興廢也然不有世間相何以明正法眼哉自茲以往凡生是山者鑑往懲來使是寺益以永久得以考鐘伐鼓大宏講席以正羣妄則其功德又豈叅於諸祖也耶寺之棟宇土田與夫山所入之利具刻諸碑陰繫以銘曰東南之山惟明為盛維明之山仗錫為勝高設於天闕司於神其在玄古豫侯哲人哲人伊誰張於佛氏藤湖之長太白之已有廓

其址有歸其廬建業之始倡道之初名聞雷鶴學徒雲集繼茲席
者代踰五十匪山之靈胡底於成匪祖之聖胡底於寧元運之未
根柢幾絕讓予者出式茂其蘄以隆於淑斯永其傳克懋於後斯
昭於先伐鼓考鐘環居列食心祖之心庶幾朝夕有章有程有聲
有輝俾四方士於焉有歸

僧傳慧四明山心詩 寂歷游仙處塵寰涌斷霞九溪流雪水八
月綻桃花茅采圓於彈霜梨大似瓜雲南與雲北依舊作隣家
沈明臣詩 躡僑度青巒千盤復萬盤峰迴藏寺小地迥見天寬
水自雲中落峰常雪裡看境於人境絕六月陡增寒
戴表元詩 仙草漫漫路不分鐘魚那許外間聞涼天九月已飛

雪晴日西山猶帶雲火後客誇新屋樣兵前僧識舊碑文
藤湖只去招提頂見說漉田可種耘

法平字元衡嘉禾人初受度即叅妙喜為書記後居天童時號平
書記工文能詩孫尚書覲朱郎中希真皆許可之受請住象山延
壽院復自廬山移仗錫號怡雲野人嘗以偈呈史忠定忠定酌之
有云白鷺栖烟一點明皎然壓倒語全清莫言後代無人繼仗錫
行將擅此名山陰陸放翁尤重之寄詩云放翁久矣無此客闔戶
兒童皆動色寒泉不食人喝死素便銀瓶我心惻千金易得一士
難晚途淹泊眼愈寒豈知一旦乃見子傑語豪筆無僧酸門前清
溪天作底細細風吹穀紋起倚闌一笑誰得知愛此數詩如此水